

**Kontralto Z.** La plej malakuta el la virinaj voĉoj.

**kontramarko.** 1  $\text{£}$  Dua marko stampita sur pakaĵo, varo, sur objektoj el argento k oro. 2 Dua orda numero skribita sur fakturo aŭ mendilo. 3 Bileto liverata en teatroj, kinejoj k. a. al tiuj, kiuj momente eliras, k donanta la rajton denove eniri.

**Kontrapunkto Z.** Teorio de la muzika klasika komponado, donanta regulojn por harmonia kunmetado de voĉoj en melodio, tonoj kontraŭ tonoj.

**Kontrasto Z.** Malsameco, maieco de du objektoj aŭ ideoj, kiuj reciproke pli klare distingiĝas pro la apudmetiĝo mem : *~o de la ombro k de la lumo ; ĉiu ~o vekas atenton ; kiam oni el ardanta forno saltas en glacian akvon, oni ne povas senti la ~on tiel forte kiel mi Z.* 1 (x). Esti en *~o* kun, reliefe distingiĝi de alia objekto per *~o* : *~i ion, kun Z, al, kontraŭ io ; kun la grizaj muroj forte ~is la blankaj tukoj ; ŝia ele figuro akre ~is la fonon ŝin ĉirkaŭantan B ; la ruĝaj beroj bele ~is el la malhele verda foliaro.* 1 *~gi.* Fari, ke du objektoj *~u.*

\* **Kontraŭ.** 1<sup>o</sup> Prepozicio montranta : 1 Lokon, kiu estas antaŭ iu persono aŭ objekto, sed apartigita de ĝi per libera interspaco : *la urbdomo staras ~ la katedro ; la du mimikistoj sidigis unu ~ la dua K ; li distranĉis ilin laŭ la mezo k metis ĉiujn partojn unu ~ la alia Z ; vilaĝoj kuŝas sur la dekstra k maldekstra bordo, unu ~ la alia.* Kp (KONTRAŬ)RIGARDE AL, (VID)-ALVIDE AL, KONTRAŬVIZAĜE AL, KONTRAŬFLANKE AL, FRONTE AL. 2 Personon aŭ objekton, kun kiu oni komparas alian : *supereco de homo ~ bruto ne ekzistas Z ; multigu vin miloble ~ via nuna nombro ; tiuj popoloj vivas sub regado, ~ kiu ili preferus la Turkan.* 3 Objekton, por kiu oni ŝanĝas ion : *Damasko donis komerce al Tiro grenon ~ armiloj ; du kamaraĵoj aĉetis de li la birdon ~ kelke da spesdekoj Z ; ~ dek suisaj frankoj mi sendas serion da aŭstraj poŝtmarkoj ; ŝanĝi varojn ~ varoj (Kp POR, ANSTATAŬ).* 4 Personon aŭ objekton al kiu estas direktata ago aŭ sento : *ŝi elliras siajn blankajn manojn ~ la ŝipo Z ; frapi sin ~ muron Z ; levi la vizaĝon ~ la plafonon Z ; ŝi levis ~ la junan virinon siajn okulojn Z ; vi estas tro bona ~ mi ;*

*agi fiera ~ iu ; ankaŭ ŝi ne estas indiferenta ~ li Z ; ~ neniu oni devas esti maljusta ; esti favore agordita ~ iu ; kiel li agis ~ mi, tiel mi agos ~ li Z ; se iu ŝtopas sian oreton ~ kriadu de maldicito, li ankaŭ vokos k ne estos aŭskultata Z ; malobeemaj vi estis ~ la Eternulo Z.* 5 Objekton, kies naturan pozicion, direkton aŭ tendencon oni inversigas : *ne karesu la kuton ~ la haroj Z ; naĝi ~ la fluo ; agi ~ la kutimoj, la leĝon ; paroli ~ sia penso, konscienco.* 6 Objekton aŭ personon, al kiu estas direktata malamika, malutila, malfavora aŭ malhelpa ago : *kuracilo ~ febro ; panon vi donas al ili ~ ilia malsato Z ; ~ malfeliĉo baroj ne ekzistas ; dubo gardas ~ risko ; li savis Danielon ~ leonoj Z ; kion vi volas, ke mi faru ~ tio Z ? diskuti pri la por k la ~ ; eĉ ~ pastra prediko troviĝas kritiko Z ; ~ peko batalu, sed pekanton ne tuŝu Z ; militi, elpaŝi Z, ribeli, konspiri, komploti, iri, marŝi, batali, ekpafi ~ iu(n) ; ~ tuta kohorto eĉ Herkulo estas malforta Z ; ŝi levas la bastonon ~ lin Z ; kiu ne estas ~ vi, estas kun vi ; la komitato nenion havas (riproĉas) ~ Suisujo Z ; lia agado indignigis ĉiujn ~ li ; gardu min Dio ~ miaj amikoj, ~ miaj malamikoj mi gardos min mem ; ~ min mem sin turnis mia ruzo Z ; mi levas ~ vin nacion, kiu premos vin Z ; Kaino levigis ~ sian fraton k mortigis lin Z ; ~ ĉi tiun leĝon protestas la laboristaro ; mi ricevis nenium plendon ~ li Z.*

II<sup>o</sup> Pref. kun la sencoj 5 k 6 de la prep. : *~igi, ~stari* (malcedi al) ; *~batali* (tr) ; *~meti* (tr) ; *~paroli ion al iu ; ~veneno ; ~vole.*

III<sup>o</sup> Vortore samsignifa : *~a.* Estanta kontraŭ iu aŭ io ; mala, malfavora, malamika, malhelpa : *~a direkto ; ~a signifo ; ~a flanko ; ~a propono ; ni estas ~aj al via projekto ; estas multaj ~aĵoj en lia konduto ; kiom da ~aĵoj k ĉagrenoj povus esti evitataj, se en la turismo estus enkondukata internacia lingvo ; akra k profunda ~eco (Vd ANTIPODO, ARISMO) ; ~ulo (malamiko, konkuranto).* Kp MALECO, KONTRAŬDIRO, KONTRAŬSTARO, ANTAGONISMO, OPOZICIO, KONTRASTO, MALHELPO, BARO. *~e.* 1 Antaŭe, sed aparte de io aŭ iu : *la preĝejo staras ĉe la placo, k la urbdomo staras ~e.* 2 Male, en inversa pozicio, direkto, senco